



Arkivnr: 2015/11453-218
Saksbehandlar: Adeline Berntsen Landro

Saksframlegg

Saksgang

Utval	Saknr.	Møtedato
Styret for Fagskolen i Hordaland		28.11.2019

Fastsetting av forskrifter for Fagskolen i Hordaland

Samandrag

Styret handsama 12.09.2019 sak PS 36/19 om nye forskrifter for Fagskolen i Hordaland; forskrift om eksamen, disiplinære sanksjonar og klagehandsaming for Fagskolen i Hordaland (forskrift for Fagskolen i Hordaland) og forskrift om opptak ved Fagskolen i Hordaland. Forskriftene vart sendt på open høyring med frist 27.10.2019.

Forslag til vedtak

1. Forskrift om eksamen, disiplinære sanksjonar og klagehandsaming for Fagskolen i Hordaland (forskrift for Fagskolen i Hordaland) vert vedteke slik det kjem fram av saka og kunngjort hos Norsk Lovtidend.
2. Forskrift om opptak ved Fagskolen i Hordaland vert vedteke slik det kjem fram av saka og kunngjort hos Norsk Lovtidend.

Bjørn Lyngedal
fylkesdirektør opplæring

Linda Farestveit
seksjonsleiar skule

Saksframlegget er godkjent elektronisk og har derfor inga underskrift.

Vedlegg

- 1 Forskrift for FiH
- 2 Forskrift om opptak

Fylkesrådmannen, 05.11.2019

Styret handsama 12.09.2019 sak PS 36/19 om nye forskrifter for Fagskolen i Hordaland; forskrift for Fagskolen i Hordaland og forskrift om opptak ved Fagskolen i Hordaland. Forskriftene vart sendt på open høyring med frist 27.10.2019. Forskriftene vart sendt til følgjande spesifiserte høyringspartar:

- Studentrådet ved Fagskolen i Hordaland
- Organisasjon for norske fagskolestudenter (ONF)
- Fagskular som er med i lokal klagenemnd for fagskular i Hordaland og Sogn og Fjordane
- Relevante arbeidstakarorganisasjonar
- Råd for offentlige fagskoler (RFF)

Etter høyringsfristen er det kome inn ein uttale frå assisterande rektor ved Fagskolen i Hordaland, Helga Kristine Kallevik i høve til forskrift for Fagskolen i Hordaland.

Uttalen er som følgjer:

Til § 5-3 Klage på mappevurdering/emnekarakter

Tillegg til teksten (3):

Ved klage på endeleg karakter på mappevurdering/emnekarakter vert klage frå studenten og grunngjeving for karakteren frå lærarane i emnet sendt til klagenemnda. Klagenemnda vurderer klagen ut frå desse dokumenta og set endeleg karakter.

Bakgrunnen for ønske om eit tillegg til § 5-3 tredje ledd er at i klagesaker på mappevurdering/emnekarakter har skulen fått førespurnader frå klagehandsamar om einsskilde innleveringar ikkje skal evaluerast på nytt. Dette skal dei ikkje av di mappevurdering eller emnekarakter er ei heilskapsvurdering, og det studentane klagar på er den totale karakteren som består av fleire innleveringar o.l. over tid. Det vil sei at studentane berre kan klage på vektinga ved ei slik karakterfastsetting. For å kunne klage på einsskilde innleveringar o.l. som inngår i den totale karakteren må studentane klage etter at resultatet er gjort kjent ved den einsskilde innlevering etter gjeldande fristar.

Forskrift for Fagskolen i Hordaland § 5-3 tredje ledd er som følgjer:

Ved klage på endeleg karakter på mappevurdering/emnekarakter er det berre mogleg å klage på sluttvurderinga og ikkje på enkeltstående prøver og innleveringar tilbake i tid. Studenten har rett på grunngjeving for karakterfastsetting. Ved klage på mappevurdering/emnekarakter skal det gjerast ny vurdering av ein annan fagskule. Endring kan gjerast både i favør og disfavør av klagar.

Karakterfastsetting ved klagehandsaming etter denne paragraf kan ikkje påklagast.

Administrasjonen ved Opplæringsavdelinga meiner at tilhøva som ass. rektor ved fagskulen peikar på er tilstrekkeleg belyst i paragraf 5-3 tredje ledd gjennom følgjande setning: [Ved klage på endeleg karakter på mappevurdering/emnekarakter er det berre mogleg å klage på sluttvurderinga og ikkje på enkeltstående prøver og innleveringar tilbake i tid.]. På bakgrunn av dette vert det føreslått å ikkje ta uttale om endring i § 5-3 tredje ledd til følgje.

Til slutt vert det føreslått at styret vedtek forskrift for Fagskolen i Hordaland og forskrift om opptak ved Fagskolen i Hordaland utan endringar slik det ligg føre i denne saka (sjå vedlegg 1 og 2). Etter at styret har vedteke forskriftene vil dei verte kunngjort i Norsk Lovtidend (lovdata).